



Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismvs
Catholicus, summam Christianæ institutionis IIII. libris
succinctim complectens**

Klinge, Konrad

Coloniae, 1570

VD16 K 1309

Confirmatio quid sit. tit. 77

urn:nbn:de:hbz:466:1-29452

excludunt vim Baptismi, &cæ. Iubet enim Christus pœnitere, manducare, vngi, &c. sed quos? nisi Baptizatos, non Iudæos, &cç. Prælucet igitur vis Baptismi omnibus alijs medijs.

CONFIRMATIO QUID SIT.
TITVLVS LXXVII.

Tria sunt notanda: Primò, Quid sit firmatio. Secundò, Quarè instituta, Tertiò, quis illius fructus.

Primò, confirmatio est Sacramentum vel opus in quo inchoata fides & accepta gratia in Baptismo, confortatur & confirmatur iterum amittatur, sicut orat Ecclesia Psal. 77. Confirma hoc Deus quod operatus es in nobis. Et ad Phil. 1. Apostolus dicit, Confidimus in Domino, ut quod cœpit in vobis opus bonum, id est, fidem dedit in Baptismo, perficiat usq; in diem Iesu Christi. Sic Apellati confirmarunt baptizatos Baptismo Philippi, D. coni, Actor. 8. impositione manuum Matthæi 12. Spiritus immundus cedit.

Secundò, instituta est confirmatio contra variæ tentationes, quas Sathan baptizatis imponit. Testuit Christum post Baptismum in deserto, Matthæi. Et Christus prædictit in nouissimis diebus Matthæi. Multos venturos pseudoprophetas, dicentes, quoniam hic est Christus. Et Paulus 1. ad Tim. 4. prædictit in nouissimis temporibus multos discessuros à deo, attendentes Spiritibus erroris. Et 1. Corinth. Oportet esse hæreses. Et Ioan. 16. In mundo prefillam habebitis, &cæt. Ne igitur deficiamus à fide, deflectamus ad hæreses, vincamur à mundo, Sathan, à carne, instituta est confirmatio: sic consignatur in fronte signo crucis à baptizante, vt liberè nominetur et confiteatur: percutitur in maxillam, vt lubens fundat persecutionem propter nomen & fidem Christi.

Roma

Rom.10. Corde creditur &c. Subinde instituta est confirmatio, ut in ea, quæ patrini voverunt in Baptismo, nunc ipsemet & ore proprio approbet baptizatus. Ideo olim hoc Sacramentum dabatur cum propria confessione articulorum fidei, & cum solennitate publicæ concionis de articulis & mysterijs fidei: & qui tunc consentiebant, confirmabantur christmate & signo crucis. At nunc pueris quoq; datur, vt licet non habeant in opere & vsu pugnam contra Sathanam, virtutem tamen habeant, postquam vsus rationis accesserit, sicut etiam parvuli habent fidem, &cæt. Postremo instituta est confirmatio, ne homo post discessio- nem à fide incurrat grauissima peccata & penas, sicut Christus minatur ciuitatibus Bethsaidæ & Cœrozain, Capernaum, Matthæi 11. & 2. Petr. 2. Melius esset non agnouisse, &cæt. Quid enim prodest baptis- migratio & fides, si non retinetur? Quid Iudæ profuit, quod fuit Apostolus? Mat. 26. quid Lucifer, quo niam angelus? Isa. 14. Tales quoq; assimilantur cani- bus redeuntibus ad vomitum, Proverb. 26.

Tertiò fructus confirmationis, est augmentatio & retentio fidei, & donorum in Baptismo receptorum. Apostoli enim baptizati in vita Christi, ut elicetur ex Ioan. 4. capit. Et crediderunt in Christum, Ioan. 2. at- tamen in captione Christi fugerunt, Matth. 26. Post passionem Christi erant in domo conclusi, Ioan. 20. timentes Iudæos, sed in die Pentecostes confirmati, Acto. 2. liberè prædicant & confitentur. Et 5. capit. dicunt magistratibus: Deo obedire oportet magis &c. Et David Psalm. 50. petit Spiritu principali confir- mari, & idè licet confirmatio non sit Sacramen- tum necessarium, sicut Baptismus, pœnitentia, fides: et tamen plurimum vtile & salutare ad salutem: sic etiam Sacra menta, Eucharistia, ordo, matrimonium, vobis, &c.

Pp 2

QUID